

Santiago

Santiagone An Piñkīh Para

Santiagone wan sukin Jesústa níjkulturuza panamtú, Jesús au sukin kamtarít aizpa kianapa. Na Jesústa kanpammika ish kiztumikane wat níjkul kit Jesús uztakana uztawa. Jesúskana kimtuchimíkane Jesústa wat níjkultuchi, irít awakana namtu akwa (2.14-26).

Diosne aumíza chiwazha piancamninnamtu. Satanás aumíza kwail kininnamtune, aune Diosta níjkul kit paikwatpamakpas, sun kwail kimanpa (1.1-8). Santiagone puizaruzakas kwazparuzakas kainanamtu. Dios piancamtittuzne nil uzat kit an sukin us pashimtu aizpa kiarawa (1.9-27). Usne Cristora piantuza kurunnamtu, wantuza kawarain pashinanapa (2.1-13). Mazantuz maztuzpa kwail pit paramtukas, Santiagone tinta kainanamtu, uspa pitkasa mizurainkas kwail maztuzpa paramanpa (3.1-12). Diosmin usparuza kiwainnashina, Dios mintu aizpa kianapa (3.13-18).

Masetne mazantuz miashitchi akwa, Santiagone usparuza kurunnamtu, maza awakanain minñanapa. Diosta pianchiruzkasa chakain. Cristora piantuza pilchapuzkain. Puizaruza walkukain (4.1-5.6). Suasne Santiagone usparuza kurunnamtu, au Taitta Diosta paikuanapa, ussa tirizanapa (5.7-20).

Kakishapu kiztu

¹ Nane Santiago mun ish. Nane Diospakaś Anpat Jesucristowakas kiwainmika ish. Ap kwaltuza panamtu akwa, nane wan doce Israel kwaltuza, mamaz sura uzturuza, kakishapu kiznamtus.

Diosne awaruza piankamninnamt

² Une, Diosta piantuz mai. Minpazha uruza kwail kishinakane, naiznakane, wat panintawa.

³ Cristora nijkulamtu akwa, u naizamtukas, une Dios pashimtu aizpa kin piankamarinazi, us iztakin an tinta namanapa. ⁴ Naizamtukas, une wat kishiamiztawa, chihkatchin. Suasne une ilaparuzkanain kawianazi, Dios kaizta aizpa chinkas wenammanpa.

⁵ Minpazha chiwazha wat pianchine, minpazha we piankamtane, Diosta paikwarain. Usne au we pian aizpa piankamninhimtu. Aukasa aliz paramtuchi. ⁶ Diosta paikumtune, ussa nijkul kit paikwatpa, nu paikumtu aizpa sappanapa. Saptuchish mintumikane, maiztumikakana i, inkwa pira ñanpa nuppaintukanain i. ⁷ Saptuchish mintumikane Anpat chiwazha milashimtu aizpa sapmanazi. ⁸ An awa paas tuntu mintu akwa, usne chiwazha kishimtu aizpa nasachi.

⁹ Puiza aimpihshne watsal kularawa, Dios us akwa min kit kiwainshimtu akwa. ¹⁰ Kwazpa kultit aimpihsh nijkultumikane, watsal kularawa, Dios kwazpa kultittuza wan awaruzkana namnarit akwa. Wan kwazpa kultitmikane irinazi, wish pulpat kit taiztimkanain. ¹¹ Pa puzkane, tinta in kikane, wish ti pul parim. Ti pul parikane, wish taiztim. Watsal iztitne, wishne karim. Kawarain imtu payu taizkane, kwazpa kultitmikane wish

pul paritkanain karinazi. Paiña kal mij aizpa karinazi.

Tailchamtu, kwail kimanpa

¹² Mamaz nua kwail kinintukas, chiwazha naiznintukas, au Anpatta chihkamtuchimikane wat kulnazi. Au Anpatta kanpamtumikane, Diosta nijkulmiztumikane, Dios milan namta aizpa sapnazi, uskasa uzana. Usne ussa pashimtruza uskasa uzninna namnarit.

¹³ Minpazha kwail kishikane, Diosne nawa kwail kin kinintu kizman. Diosne chinkas kwail kin mintuchi. Kawarain Diosne mamaztuza kwail kininnamtuchi. ¹⁴ Us paiña kwail kishimtu aizpa mintawane, usne chiwazha kwail kishimiztu.

¹⁵ Suasne kwail min kit kishimtawane, awane kwail kiamiztu. Kwail kit akwa, it kit Dioskasa uzsachi.

¹⁶ Na uruza pashinamtu akwa, Diosta piantuz, ñanta kiman. ¹⁷ Taitta Diosne chiwazha wat aizpa aumiza ininnamtu. Usne chiyura naztam aizmukas sara. Wan sarit aizpa maizamtukas, Diosne mizurainkas maizsachi. ¹⁸ Paiña watcha pit akwa, usne aumiza paiña kwalkanain namnинshinara, mamaz tuntu uzanapa. Usne aumiza an ñancha nanarit, paina kwalkanain namanapa. Kwizta mamaztuzne ussa nijkulanazi.

Wat mit kit kitpa

¹⁹ Na uruza pashinamtu akwa, Diosta piantuz na kaizta aizpa piankamtain. Wan uruzne mamaz Dios pit kuruntu aizpa mina atpa. Impara impara pit paratpa. Dios pit kainammtuza pilchapuzanachi. ²⁰ Azain pilchapuztumikane Dios pashimtu aizpa nil kisachi. ²¹ Sunkana manaz,

u sinamchi mintu aizpa chihkarain. Wan awa akwan kwail kiashimtu aizpa kiman. Sunkana Dios paiña pitta kuruntu aizpa miat kit kirain. Paiña pit akwa Diosne uruza watsat miłnashina.

²² Dios kaizta aizpa mimturuzne paiña pit parit aizpa kiarawa. Us kaizta aizpa kimtuchiruzne, uspain ñanta kiamtu, Dios kaizta aizpa miamtuchi akwa. ²³ Minpazha kainmin miat kit an pit parit aizpa kiarachine, usne us mirit aizpa maintu. Sun awane maizakasa matsihta iztumikakanain i. ²⁴ Ussain iztawane, usne puijchat kit uskanain iztit aizpa sun urain maintim. ²⁵ Diosne paiña nil pit ininta, awaruza kiwainana, kwail kiamanpa. Dios kaizta aizpa wat miarawane, us miarit aizpa mainñarakine, Dios inintit aizpa kiamitztune, sun ampuruzne wat kulanazi, sun kal kiamtu akwa.

²⁶ Minpazha Cristora nijkultus kiztane, paiña pit paran sampiztakine, usne usmin ñanta kimtu. Us nijkultu aizpa kain i. ²⁷ Taitta Dios iztakin chaamtuasmin, Cristora nijkulturuzne chinkas kwail kiamiznachi. Usne kwairittuzakas ampu irit ashampa naizturuzakas iznat kit kiwainnarawa. An sukin uzasmin, nijkultuchiruzkasa uzasmin, uskas usmin iztawa, kwail kimanpa.

2

Awaruzpain mamaz tuntu kianachi

¹ Uruzne Diosta piantuzne, au chiyuras watsal Anpat Jesucristora nijkulamturuzne, wan awaruzpain kawarin kiarawa. ² Dios wanmakmukin nappakane, ¿Une minta usparuza uzninnamtu? Mazane, kwazpa kultitmikane, naptu. Usne watsal pñ kwa. Uru chihti nukmu

nuktit. Mazane, puizamikane, naptu. Usne pitta pĩn kwa. ³ U kwazpa kult̄tmikasha wat “uzmukin uzti” kiztane, une ussa mamaz tuntu kiamtu, kwazpa akwa. Puizara “an antain kun kit uzti” kiztane, une ussa mamaz tuntu kiamtu, puiza akwa. ⁴ Sunkana kitne, une uruzpain mamaz tuntu kiat kit mamazpa wat minñamtuchi.

⁵ Na uruza pashinamtu akwa, Diosta piantuzne na kaiztu aizpa ka mirain: Diosne au sukin puizaruza nanara, Cristora nijkulanapa. Puizaruza kwazpa kult̄tmikakanain namnin-nanazi, us inintukin uzanapa. Usne sun ussa pashimturuza kin namta. ⁶ Sunkana awaruzne puizaruza watchi minñat kit mitsal kininnamtu. Kwazpa kult̄ttuzne u puizaruza piznat kit naiznat kit ininmikasha chihkaamtu, u pui aizpa taanapa. ⁷ Kwazpa awaruz au wat Cristowa kwail paraamtukas, une Cristora nijkulat kit Cristora kanpamtuz munarit.

⁸ U mamaztuza wat kin we pian akwa, Diosne paña pit inin kit ka parit: “Urutzpaine pashimtukanain mamaztuza pashinarawa.”⁸ Sun wan kiamiztane, wat kulanazi. ⁹ Sunkana awaruza mamaz tuntu kiarane, une kwail kiat kit Dios ininta aizpa mishiamtuchi. ¹⁰ U wan Dios ininta aizpa mit kit kiarakas, u maza ininta aizpa we kitne, une wan Dios ininta aizpa we kiamtu. ¹¹ Diosmin ka kizta: “Mamazpa ashampakasa pitt-mun.”⁹ Uskas ka kizta: “Awara piantamun,”¹⁰ kizta. Mamazpa ashampakasa pittachikas, am-pura piantarane, sun awane wan Dios ininta

⁸ **2:8** Lv 19.18 ⁹ **2:11** Ex 20.13-14 ¹⁰ **2:11** Dt 5.17-18

aizpa mit kit kimituchi. ¹² Une wan Dios pit kaizarawa. Wan wat kal Dios pashit aizpa kitpa. Diosne paña inintit pit akwa aumiza mimananazi. Sun pit akwa usne aumiza chihtit awakanain uzninashina. Katmizna wantuza nil parat kit wanta kawarain wat kirain. ¹³ Dios mimamtu payura taizkane, Diosne mamaztuza kiwainna mintachiruza kiwainmanazi. Mamaztuza wat kiwainturuzne Dios mimamtu payura watsal kulanazi, Dios usparuza wat kiwainamtu akwa.

Nijkultukas kal kimitukas

¹⁴ Diosta piantuz m̄irain. Cristora nijkulamtu kizmuruzne wat kalkas kishiarawa. Minpazha Cristora nijkulamtu kitztane, sunkana wat kal kimituchine, ¿Watsat milnashinasa? ¹⁵ Sunkana Cristora pianmikane izmumikasha mintawa. P̄in we kwamikashakas payu aizpa kwan pala we mijmikashakas iznarawane, ¹⁶ une usparuza ¿Chima kizanapas? “Watmin it kit ikulnaka. Kwashit aizpa kwanka,” kizsachi. Sunkana kiznarakas, usparuza p̄in milamtukine, pala kwinamtukine, u kaizamtu aizpa usparuza kiwainnamtuchi. ¹⁷ Sunkana Cristora nijkultu kizmumikane wat kalkas kitpa. Wat kal kimitukine, nu nijkultu aizpa annamtuchi. Us kaiztu aizpa kain pit i.

¹⁸ Minpazha min kit “nu nijkultu” kizshina. “Nane mamaztuza kiwainnamtus,” kiztus. Na mamaztuza kiwainamtukine, nane nu nijkultu aizpa pianchish. Na mamaztuza kiwainnamtu akwa, nune na nijkultu aizpa pian. ¹⁹ Nu maza Diosta nijkultane, nune wat kinazi. Diabloruzkas Diosta piankas, uspane ishkuaat kit ulaamtu.

20 Katmizna une an nijkultukin kiarawa. Nune wat mintawa. Nijkultus kizmumikane mamaztuza kiwaintukine, us nijkultu aizpa kain i. **21** Diosne Abrahamta, au an ña pampamikasha, ka kizta: “Nune wat awa i.” ¿Chikishma sun Abrahamta kizta? Nijkultuasmin, Abrahamne Dios ininta aizpa mit kit paiña painkulta, Isaacta, Diosta chihkara, inapa. **22** Une Abraham kit aizpa izashinai. Us nijkulta akwa, Abrahamne Dios inintit aizpa kirit. Us inintit aizpa kirit akwa, Abrahamne an akwan nijkulshina. **23** Sunkana Dios pitta ka parit: “Abraham Diosta nijkulta akwa, Diosne ‘nune wat awa i.’ ”²³ kizta. “Nune ap izmumika i”²⁴ kizta. **24** Sunkana manaz iztain. Awane mamaztuza kiwainnarawa. Awakas Diosta nijkultawa. Suasne Diosne ussa wat namninnazi. **25** Sunkanain Rahabne uzta. Us kwail cham ashampa arakas, usne Diospa kainammtuza paiña yal nammilanat kit mamaz payura mamaz miwara ininnara. Us kirit aizpa akwa, Diosne ussa wat namninta. **26** Awa izpul irikane, awa irikane, awane mamaztuza kiwainasachi. Sunkanain Cristora nijkultu kizmumikane, mamaztuza kiwainnamtukine, kain kaiztu, nil chi.

Pitkasa kwail paraman

3

1 Diosta piantuz, mîrain. Uruzpain kwisha akwan Dios pit kamtamtuza naman. Diosne nawakas mamaz Dios pit kamtararuzakas an tinta ilnanazi. Diosne Dios pit kamtamtuchiruza an

²³ **2:23** Gn 15.6 ²⁴ **2:23** Is 41.8

wemin ilnanazi. ² Aune wan kwail ñanta kipuspas. Kwail pit paramtuchimikane wat awa i. Usne usmin ñinshina. ³ Caballo pitkin kuhmumakpas, au ñintu aizpa kinpa. Sunkana caballora izpujianin kit ñinmakpas. ⁴ Katsa kanuarakas iztai. Inkwane tinta parane, kanuara nuppaintu. Puijmumikane ainki puijmukasa us ishimbatal ñintu. ⁵ Pitkasakas sunkanain kirim. Au pitne ainkin i. Awane paña pitkasa akkwan kwail kwinta kishiamtu. Sunkana ainki ñne katsa ñkal sin kit ti paktishina. ⁶ Pitne ñkanain i. Aune akkwan kwail pitpara paramtumakpas. Kwail pit parashimtu akwa, aune akkwan tuntu kwail kishimtumakpas. Sun kwail pitne, Diablo ñtas, paña uzmukis puztu. Diablone au kwail paramtu aizpa paraninto. ⁷ Awain wan kalparakas, katsa chitchurakas, kamtarakas, katsa pi pintas kalparakas, pishkarurakas tak kamtaninnara. ⁸ Wan kalpa tak kamtaninnarakas, minminkas us kaizta aizpa ñinsachi, kwail kizmanpa. Minminkas pitta tak kamtasachi. Kamta sula kwatpane, awane irim. Kawarain kwail pit kizkane, awane mamazta kwail kirim. ⁹ Aune sun pitkasain au Anpat Diosta “kwisha wari” kizpuspas. Diosta “kwisha wari” kiztuasmin, aune awaruzakas kwail kizpuspas. Dios pailta awaruza uskana uzanapa kawiranara akwa, aune awaruza kwail paratkiwamakpas. ¹⁰ Sun pitkismin mamaztuza wat kizpuspas. Mamaztuza kwail kizpuspas. Diosta piantuz, sunkana wat chi. Sunkana kiman. ¹¹ Kwazine pi kasukis puztu. Sinam kwazikas tain kwazikas mazain pi kasukis puzsachi. ¹² Diosta piantuz, iztai. Higuera

tine olivos pippa wamtuchi. Wankail titkas higo pippa wamtuchi. Kawarain ñam kwazikas sinam kwazikas maza pi kasukis puzsachi. Katmizna u kaiztu aizpa kwiraruin.

Watcha piankammukas

¹³ Pianmikane, nil miñtumikane, nil uz kit wat wa aizpa kitpa. Paiñawa mintuchiasmin, pianmikane mamaztuza wat iznarawa. ¹⁴ Maza kwazpa kultimtukas, us mij aizpa pashiman. Mamaztuza kwail kizman, umin an katsa namna. "Nane mamazkin an wat ish," kizman. Nil chi mintumikane watcha kaiztuchi. ¹⁵ Sunkana kimturuzne au sukis awakanain minñamtu. Diablo kaiztu aizpa minñamtu. Diosne aumiza kiwainnamtu, mamaz mij aizpa pashimanpa, mamaztuza kwail pit kizamanpa. ¹⁶ Miñpazha mamaz mij aizpa pashimtune, miñpazha mamazpa an tinta namshimtune, mamaztuza kwail pit kizashimtune, usne wan nakat kit waya kishit kit akkwan tuntu kwail kinazi. ¹⁷ Dios awaruza us pian aizpa piankamninnakane, awane wat uzanazi, kwail kiamanpa. Mamazkasa waya kiamanzi. Mamaztuza tinta paraamanazi. Mamaz kuruntu aizpa mianazi. Mamaztuza kiwainnamazi. Wan awaruza kawarain kianazi. Wat kal kianazi. ¹⁸ Mamaztuza wat kishimturuzne kalpain uzat kit akkwan wat aizpa sappanazi.

4

Kwail kiarakiwa

¹ ¿Chikishma uruzpain puya tut kit waya kiamtu? Uruzpain pailta payu kwail ayukta minñamtu akwa, kwail kiashimiztu. ² Chiwazha

pashimtu aizpa mijchi akwa, uruzne mamaztuza piantaamtu. Patnawans pashiamtu. Patnawans saptuchi akwa, puya tut kit waya kiamtu. U pashimtu aizpa saimanamamtu, Diosta paikumtuchi akwa. ³ Diosta chiwazha we aizpa paikwatkas, sappamtuchi, ñanta paikumtu akwa. U paikumtu aizpa sapparane, u akwa pial kwainazi, chiwazha kwail kianapa. ⁴ Une kwail awa mai. Au sukin kwail kishimturuzne Diospa izmuruz chi. Diosne kwail kishimturuza aliz kulnam̄iztu. ⁵ Dios paiña pinkihta ka parit: “Aumiza pashinamtu akwa, Diosne paiña Izpulta ininta, aukasa uznapa. Aumiza kurunnamtu, ñanta kiamanpa.”⁶ ⁶ Diosne aumiza an akkwan wat kiwainshinamtu, kwail minñamtu aizpa kiamanpa. Paiña pinkihta ka panintit: “Diosne uspain minturuza aliz kulnamtu. Uspain mintuchiruza wat kiwainamtu.”⁷ ⁷ Manaz Diosta miat kit us kaizta aizpa kirain. Diablo uruza kaizta aizpa m̄iman, us ukis irinpa, an kwail uruza kininnamanpa. ⁸ Diosta an wat piankam̄iztai. Uskas uruza kamtanananazi. Kwail kimtuzne u kwail kiarit aizpa chihkarain, Dios uruza wat kulninnanapa. Minminkas Diostakas Diablorakas sun urain misachi. Diosta pashimtumikane kwail kin minman. ⁹ Uruzpain u kwail akwa naizarinazi. U kwail akwa tayaltain. U kwail akwa aztain. Ishantakas, mane tayaltain. Watsal mintakas, mane tayaltain. ¹⁰ Anpat uruza kurunakane, us kaizta aizpa miarawa, uskasa uzanapa.

Diosta piantuza kwail kirit kizman

[◊] 4:5 Éx 20.5 [◊] 4:6 Pr 3.34

¹¹ Diosta piantuz, mizha. Mamaztuza kwail kaizman. Diosta pianmikara kwail kaiztumikane, ussa pirail kaiztumikane, Dios ininta aizpa kwail i kiztui. Dios ininta aizpa kwail kiztumikane ininmikakana namtu, Dios ininta aizpa mimtuchi akwa. ¹² Diosne awaruza ininnamtu, us ininta aizpa kinpa. Uskas katsa mikwa i. Usmin mamaztuza kwail kiarit aizpa sinam sanashina. Uskas mamaztuza kawal inta ininshina. Une “Dioskanain” namman, mamaztuza kwail kiarit kizna.

Painintuzkas kwazpa kultittuzkas

¹³ Mane sun mirain. Minpazha ka kizanazi: “Makas tilawakas aune mamaz pipulura maza añokima ianapas, paininna, pial kana kin.” Ka minñamtu. ¹⁴ Une tilawa chiwazha kimtu aizpa piankamamanazi. U imtu payu pianchi. An sukin uzamtuasmin, uruzne wanishkanain iztit. Tinta inkwa pakane, wanishne karim. Ukas kawarain iarinazi. ¹⁵ Suas manaz wat minñat kit ka kaizarawa: “Anpat auruza chiwazha kin ininnamtune, aune uzanapas, us ininshimtu aizpa kin.” ¹⁶ Umin kiashimtu aizpa minñamtu. “Au wat awa makpas” kizantu. Sunkana kiztane, kwail i. ¹⁷ Wat aizpa kiarawa. Wat kitchine, kwail kimtu.

Kwazpa kultittuza kurunnamtu

5

¹ Mane kwazpa kultittuz mirain. Uruza naiztu payu taiznapain akwa, azat kit kwiantain. ² Uruzpa pakultit mij aizpa pittitkanain mai. Pusumkas imkas uruzpa watsarit pñ titmu. ³ U

urukas piákas ípi kwarit. Paitimtu, muinchi akwa. U piáksa mamaztuza kiwainnarachi akwa, une naizarinazi. U makima akkwan piá watsarítkas, wanne ínta kaarinazi.⁴ Kal kimtuz u yalmakim kal kirítkas, une uspa piá watsarit. U pippa pakmuropa wan tanarachi. Katmizna sun pippa pakmuropne au wat tinta Anpatmikasha paikuara, uspa minñamtu aizpa miánapa.⁵ An sukinne uruzne kwazpa kultíttuzkanain uzat kit chiwazha pashiat aizpa kiashira. Uruzne píntit wakarakana pína pínamtu. Diosne anpain, uruza mímana, uruza ilnana. U imtu payu taiznapain i.⁶ Uruzne wattuza kiwainnarachi, ianapa. Uspane u iztakin usparuzain pakpanasachi.

Kalpain uzat kit Diosta piakwarain

⁷ Katmizna, uruzne Diosta piantuzne kalpain uzat kit tírizarawa, Anpat Jesucristo amtu payukima. Kal kinnumikawa piancamtain. Pippa wammikane impara impara tíriztawa, an ñancha alu kinkima. An kwizta alu kikane, ma pitchin tíriztu, paktu payukima.⁸ Uruzkas kawarain impara impara tírizat kit tinta kularawa, au Anpat kailtu payu taiznapain akwa.

⁹ Diosta piantuzne mamaztuza tinta kaizman, mamaz uruza kwail kiarit kizamanpa. Diosne, au katsa mikwane anpain, awa kwail kiarit aizpa kiznana.¹⁰ Diosta piantuz, ñamin Dios pit kainam-mikawa mintain. Uspane au Anpatpa paranara. Naizarakas, uspane impara impara tírizara. Kawarain watsal uzarawa.¹¹ Iztain. Aune naizturuzpa wat minpuspas, uspa wat kiamizta akwa. Uruzne Job naizta aizpa miara. Watsal

uzta. Uruzkas Dios Jobta kwizta wat kirit aizpa miara. Au Anpatne au naizamtuaizpa piankam kit aumiza kwisha wat kiwainashimtui.

¹² Sunkana, Diosta piantuz ma pitchin kuruunamtus. Paramtuasmin, chiyurakas piltakas mamaz chiwazharakas kin namman. Sun kimtumikane Dios iztakin us kaiztu aizpa kin namtu. “Watcha” kizakane, watchain kizarawa. “Chi” kizakane, chi kizarawa. Maza pitmin kaizarawa, Dios uruza kwail kirit kizmanpa.

¹³ Minpazha uruztas naiztukane, Diosta paikwarain. Minpazha wat kultune, Diosta watsal kanta kaiztawa. ¹⁴ Minpazha uruztas ishtune, us akwa ilaparuza iglesiaras akwarain, Diosta paikuana. Au Anpat Jesucristora paikuamtuasmin, uspane ishtumikara watsal pi am pihshpikasa nirawa, Dios ussa kakulninnapa. ¹⁵ Jesucristora watcha nijkul kit Diosta paikukane, ishtumikane kakultinazi. Kwail kiritne, Anpatne ussa kuhsparin kit us kwail kirit aizpa wat kulnazi. ¹⁶ Katmizna, ishtumikane paña kwail kirit aizpa mamaztuza kainarawa. Uruzpaine Diosta paikwarain. Uruzpa Diosta paikukane, suasne Diosne an ishtumikasha kakulninnazi. Wat awa Diosta paikukane, Diosne us akumtu aizpa mit kit kinazi, Dios pashimtu aizpa kimtu akwa. ¹⁷ Sunkanane Elíasne, Dios pit kainammikane, aukanain azi. Aukanainkas, usne alu kimarpa Diosta paikwara. Suasne kutña año kakwakasa pilkin alu kitchi. ¹⁸ Mamasa an kwizta Diosta paikwatpane, mamasa alu kimizta, awa chiwazha pippa pakkanapa.

¹⁹ Diosta piantuz mirain. Minpazha uruztas

watcha pit mainñarane, mamazne ussa mamasa kiwaintawa, Dios watsal pit mamasa minapa.
20 Sunkana piankamtain. Kwail kiritmikasha kiwaintawa, kwail kimanpa. Mamasa Dios kaizta aizpa kitne, Diosne wan us kwail kirit aizpa wat kul kit watsat milnazi, ñinta imanpa, naizmanpa.

Pailti.

Masas Pit Jesucristowa New Testament in Awa-Cuaiquer

copyright © 2002 Wycliffe Bible Translators, Inc.

Language: Awa-Cuaiquer

Translation by: Wycliffe Bible Translators, Inc.

Copyright Information

© 2002, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Awa-Cuaiquer

© 2002, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files
dated 29 Jan 2022
541a20ee-1de1-55f8-8b77-cbcd160a1567